





黃帝內經靈樞註證發微卷三

明太醫院正文會稽庠生玄臺子馬蒔仲化註證

四時氣第十九

篇內首節有四時之氣故名篇

黃帝問于歧伯曰夫四時之氣各不同形百病之起皆有

所生灸刺之道何者為定一本作寶歧伯荅曰四時之氣各有

所在灸刺之道得氣穴為定故春取經血脉分肉之間甚

者深取之間者淺刺之夏取盛經孫絡取分間絕皮膚秋

取經腠邪在府取之合各取井榮必深以畱之春取經之經當作絡

義見素問水熱穴論間去聲

此言灸刺之道順四時之氣而已春取絡穴之血脉分

肉間如手太陰肺經列缺為絡之類當視其病之輕重

而為刺之淺深也水熱穴論云春取絡脉分肉夏取盛經孫絡者

分間盛經者如手陽明大腸經陽谿為經之類孫絡者

即脉度篇所謂支而橫者為絡絡之別者為孫也視其

經穴孫絡處分之間止于皮膚絕而刺之不至于深入

也水熱穴論云夏取盛經分腠又曰絕膚而皮去者邪居淺也蓋言夏氣在表故病在表止于皮膚絕而不

深入以刺之正以推之所居為甚淺也又曰所謂盛經者陽經也則止取手足六陽經之經穴耳秋

取各經之俞穴如手太陰肺經太淵為俞之類水熱穴論云取

俞以寫陰邪則知是六陰經之俞穴也若在府則取六陽經之合穴如手

陽明大腸經曲池為合之類水熱穴論云取合以虛陽邪則知是六陽經之合穴

也。

冬取井榮冬氣入深必當深刺以久留之。

水熱穴論云取

并以寫陰逆則陰經當刺井穴如手太陰肺經少商為井之類取榮以實陽氣則陽經當刺榮穴如手湯明大

腸經二間為榮之類

溫瘧汗不出為五十九疔。

此言刺溫瘧之法也。素問瘧論帝曰先熱而後寒者何

也。歧伯曰此先傷于風而後傷于寒故先熱而後寒也。

亦以時作故曰溫瘧。

另有先寒而後熱為寒瘧。但熱而不寒為瘧瘧。

然溫瘧汗

不出者當取五十九俞以刺之。

五十九俞詳後熱病篇第二十二節。

風疥膚脹為五十七疔取皮膚之血者盡取之。

疥即水以水為疾故

加以疾之首。

此言刺風水之法也

風水見素問奇病論水熱穴論評熱論本經論疾軫尺篇

膚脹

者即本經水脹論之所謂膚脹也

按膚脹者寒氣客于皮膚之間蹙蹙然不

堅腹大身盡痛皮厚按其腹皆而不起腹色不變此其後也

當取五十七俞以刺之

五十七俞詳見素問水熱穴論中

殮泄補三陰之上補陰陵泉皆久留之熱行乃止

此言殮泄之疾當補脾經之陰陵泉也三陰者足太陰

脾經也陰陵泉乃脾經之合穴脾氣虛故殮泄宜補之

必久留其鍼候鍼下熱行乃止鍼

一說補三陰之上者補三陰交乃足三陰

血氣之所交宜補之因有二穴故用二補字及有一皆字

轉筋于陽治其陽轉筋于陰治其陰皆卒刺之

卒粹同

此言刺轉筋者當分陰陽而卒刺之也。凡手足之外廉皆屬陽經。若轉筋于陽則治其陽經。凡手足之內廉皆屬陰經。若轉筋于陰則治其陰經。皆當猝然刺之而不使病人知之則刺易入而病易去也。

徒疥先取環谷下三寸以鉞鍼鍼之。已刺而筩之而內之入而復之以盡其水。必堅來緩則煩悶來急則安靜。間日一刺之。疥盡乃止。飲閉藥方刺之時徒飲之方飲無食方食無飲無食他食百三十五日。

床卽水證故加疾之首  
鉞音皮筩音桶內納同

此言刺水腫之法也。徒但也。上文言風水者有風有水也。此曰徒疥則有風無水也。

見素問陰陽別論平人氣象論宣明五氣論本經水

脹先取環谷下三寸

按各經無環谷穴。止足少陽膽經。有環跳穴。今日下三寸。意者風市。

穴乎。理亦甚的。且針灸聚英不載。風市治病之驗。姑缺之。以俟知者。

以鉞鍼鉞之。本經九。鉞論云。

五曰鉞鍼。取法于劔鋒。廣二分半。長四寸。主大癰膿。兩熱相爭者也。

筩直也。已刺而直其

鉞以納之。既入而又復之。必欲盡去其水。水方盡時。其

肉必堅。且水來緩則內必煩悶。來急則內必安靜。間日

一刺之候。水去盡而止鉞。但水未盡之時。小便必閉。今

水已去盡。必飲通閉之藥。以利其水。防其再腫。然服閉

藥之法。方刺之時。卽但飲之。方飲之時。無用食物。或食

物時。無飲此藥。且又不可食異品他食。如此守之。至一

百三十五日之外。其病始不復矣。



著痺不去久寒不已。卒取其三里。著着同痺必至反

此言刺寒痺之法也。素問脾論云。以濕勝者為着痺。又

曰。其多汗而濡者。此其逢濕甚也。蓋着有沉着之意。必

其重而難去者也。今久冷不已。當粹取三里而刺之。不

使病人明知也。三里係足陽胃經穴。按久寒以冷字釋者。蓋以寒氣勝者為痛痺。今既曰着痺。

則非痛痺也。故知此為冷字之義。

骨為幹。按前經脈篇黃帝云。人始生。先成精。精成而腦髓生。骨為幹。血為營。筋為剛。肉為墻。皮膚堅而毛髮

長等語。今本篇此句與上下文不相蒙意者。乃經脈篇之脫簡歟。

腸中不便。取三里。盛瀉之。虛補之。

此言刺大便不通之法也。腸大腸也。大腸不通。當取三

里穴以刺之其不便者由于邪氣之盛則瀉之由于正氣之虛則補之耳

癘風者素刺其腫上已刺以銳鍼鍼其處按出其惡氣腫盡乃止常食方食無食他食

癘音癩

此言刺癘風之法也按素問風論云癘者有營衛熱附其氣不清故使鼻柱壞而色敗皮膚瘍潰風寒客于脉而不去名曰癘風骨空論長刺節論皆謂之大風也內有刺當平日刺其腫上已刺數以鍼之銳者鍼其患處仍以手按出其惡毒之氣必腫盡乃止鍼不盡不止也凡食品如常者始食之若異品他食宜無食也

腹中常鳴。氣上衝胸。喘不能久立。邪在大腸。刺盲之原。巨虛上廉三里。

此言刺邪在大腸者之法也。腹中常鳴者。以水與火相激而成聲也。氣上衝于胸。發而為喘。不能久立。乃邪在

大腸。故病如是也。當刺盲之原。按本經九鍼十二原篇

云。盲之原。出于腓腓者是也。

一名下氣海。一名下盲。臍下一寸半。係任脉經穴。鍼

入分。得氣。卽瀉。後宜補。

又取巨虛上廉。及三里穴。以刺之。

按巨虛上廉一

名上巨虛。在三里下三寸。本經本輸篇云。胃經膝下三

寸。三里為合。復下三里三寸。為巨虛。上廉復下上廉三

寸。為巨虛。下廉。大腸屬上廉。小腸屬下廉。故此篇邪在

大腸。宜刺巨虛上廉。而下節。邪在小腸。宜刺巨虛下廉

小腹控。引腰脊。上衝心。邪在小腸者。連臑系。屬于脊貫

肝肺絡心系氣盛則厥逆上衝腸胃燻肝散于肓結于臍故取之肓原以散之刺太陰以予之取厥陰以下之取巨虛下廉以去之按其所過之經以調之

畢音鼻

此言刺邪在小腸者之法也人有小腹中控其畢九

陰丸

屬肝經引腰脊間上衝于心者邪在小腸也蓋小腸連畢

系屬于脊貫肝與肺絡心之系今邪氣盛則厥逆上衝于腸胃熏于肝散于任脉經肓之原

即下氣海穴見上交

結于臍

中之神闕亦係任脉經故當刺肓之原以散其結又刺手太

陰肺經穴以與其補又取足厥陰肝經穴以下其邪

以小

腸之邪連畢屬脊貫肝肺又取足陽明胃經下巨虛以去其邪又按

小腸經凡脉所過之經以調其氣可也。

善嘔嘔有苦長太息心中憺憺恐人將捕之邪在膽逆在胃膽液泄則口苦胃氣逆則嘔苦故曰嘔膽取三里以下胃氣逆則刺少陽血絡以閉膽逆却調其虛實以去其邪。  
憺音淡則刺之則當作側膽之經絡在肋之後旁故曰側。

此言刺邪在膽者之法也病有善嘔而嘔出苦味又長

太息其心中憺憺然靜中似恐有人將捕之此邪在膽

經也蓋膽邪逆于胃故膽液泄則口苦而嘔故曰嘔膽

之證當取足陽明胃經三里以下胃氣之逆又側刺足

少陽膽經之血絡以出其血而止膽之逆。

閉者止也。孟子云陳善閉。

邪朱註云。却又調兩經之虛實。虛則補而實則瀉以終  
閉止也。

去其邪而不使之復也。

飲食不下。膈寒不通。邪在胃脘。在上脘則刺抑而下之。在

下脘則散而去之。

則側同此節當與上膈篇參看

此言刺邪在胃脘者之法也。凡飲食不下而膈膜之前

齊鳩尾後齊十一推者。覺塞不通。此乃邪在胃脘也。胃脘

上下脘之總名如在上脘臥鍼刺之當抑而下之。即本經上膈

篇之所謂氣為上膈。故治之者如此。如在下脘則刺下

脘當散而去之。即上膈篇之所謂蟲為下膈。故治之者

如此。

小腹痛腫不得小便邪在三焦約取之太陽大絡視其絡脉與厥陰小絡結而血者腫上及胃脘取三里

此言刺邪在三焦者之法也三焦者即後三焦合于右

腎者也

本經本藏篇云腎合三焦膀胱言右腎合三焦左腎合膀胱素問靈蘭秘典要云三焦為決瀆

之官膀胱為州都之官則三焦膀胱皆可小便者也

邪在于三焦而三焦有邪約之也當取足太陽大絡而

刺之即飛揚穴是也

本經本輸篇三焦者上踝五寸光明之別入貫膈腸出于委陽並太

陽之正絡膀胱

又必視其絡脉與足厥陰肝經有結血者盡取

之若少腹腫及于胃脘則取胃經之三里穴以刺之

觀其色察其以知其散復者視其目色以知病之存亡也

一其形聽其動靜者持氣口人迎以視其脉堅且盛且滑者病日進脉軟者病將下諸經實者病三日已氣口候陰

人迎候陽也此與首篇第十節相似

此言凡候病者當盡望聞問切之法也以為也論語云視其所

以凡人有病須知觀病人之氣色察病人之所為知其

病氣之或散或復其要在于視其目中之色以知其病

之存亡也蓋目為五臟之精華故尤以是為主耳又以

一其形之肥瘦日一者肥瘦各相等否聽其身之動靜凡身體病證語默皆

是其要又在于診其脉體以知其病之進退也持其右

手寸部之氣口左手寸部之人迎以視之其脉且堅且



盛且滑者在氣口爲內傷日進在人迎爲外感日進也  
其脉不堅不盛不滑而軟者在氣口爲內傷將退在人  
迎爲外感將退也縱或諸經尙實然氣口人迎已視其  
病至三日而可已耳蓋氣口爲內所以候足手六陰經  
之病人迎爲外所以候足手六陽經之病也素問六節  
藏象論本經終始禁服等篇皆云氣口一盛病在足厥  
陰一盛而躁病在手厥陰氣口二盛病在足少陰二盛  
而躁病在手少陰氣口三盛病在足太陰三盛而躁病  
在手太陰故曰氣口候陰也人迎一盛病在足少陽一  
盛而躁病在手少陽人迎二盛病在足太陽二盛而躁

病在手太陽人迎三盛病在足陽明三盛而躁病在手陽明故曰人迎候陽也

○五邪第二十

內論五臟之邪故名篇

邪在肺則病皮膚痛寒熱上氣喘汗出欬動肩臂取之膺中外俞背三節五臟一本作五節之傍以手疾按之快然乃刺之取之缺盆中以越之

此言肺邪諸病而有刺之之法也凡邪在于肺皮爲肺之合故皮膚痛發爲寒熱氣上而喘汗出者以腠理疎

也欬動肩臂者以肺爲五臟華蓋而肩乃肺經腠氣所行也當取膺中外俞雲門中府等穴以刺之

雲門巨骨下俠氣戶

旁二寸陷中去任脉兩旁相去各六寸中府雲門下一寸乳上三肋間去中行亦六寸各灸五壯鍼三分

又取背三節旁之肺俞及取五推旁之心俞穴俱係足太陽膀

膀胱經穴去脊中各開一寸五分然先以手速按其處自

覺快爽乃刺之耳又必取缺盆穴使邪氣從此而上越

也係足陽明胃經穴肩下橫骨陷中鍼二分留七呼不宜太深深則使人逆息

邪在肝則兩脇中痛寒中惡血在內行善掣節時脚腫取之行間以引脇下補三里以溫胃中取血脉以散惡血取

耳間青脉以去其掣掣音徹

此言刺邪諸病而有刺之之法也凡邪在于肝則兩脇

中痛蓋肝之經脉貫胸中布脇肋也胃中必寒水旺則

土衰也惡血在內以肝氣不疏也行善牽掣其關節時  
 或脚腫以肝之經脉自足大指上行內踝入陰器以上  
 季脇及肋也當取足厥陰肝經行間穴以引出脇下之  
 邪在足大指縫間動脉應手鍼三分灸三壯補足陽明胃經三里以溫其胃  
 中之寒取肝經血脉外見者以散其在內之惡血取耳  
 間青脉以去其所行之掣節

邪在脾胃則病肌肉痛陽氣有餘陰氣不足則熱中善飢  
 陽氣不足陰氣有餘則寒中腸鳴腹痛陰陽俱有餘若俱  
 不足則有寒有熱皆調于三里

此言脾胃有邪諸病而有刺之之法也凡邪在脾胃則

病肌肉痛以脾主肌肉也若胃爲陽經而胃之邪氣有餘則不足者不能勝有餘也其病爲胃勝當爲熱中而善飢蓋火與陽爲類而火消穀則易飢耳反此而脾爲陰經胃之正氣不足脾之邪氣有餘其病爲脾勝當爲寒中而腸鳴腹痛也設脾胃俱邪氣有餘或正氣不足則胃當爲熱而脾當爲寒也當取足陽明胃經三里穴以調之有餘則瀉而不足則補耳。

邪在腎則病骨痛陰痺陰痺者按之而不得腹脹腰痛大便難肩背頸項痛時眩取之湧泉崑崙視有血者盡取之

此節與後篇次節骨痺舉節不用而痛汗注煩心取三陰之經補之其義大同。

此言腎邪諸病而有刺之之法也邪在于腎則病骨痛

以腎主骨而陰痺當在陰分也陰痺者痛無定所按之

而不可得即痺論之所謂以寒勝者為痛痺也後世以為白虎

歷節風又其小腹脹以腎脉入小腹也其腰痛以腰為

腎之府也其大便難以腎通竅于二便也其肩背頸項

痛此皆膀胱經脉所行以腎與膀胱為表裏也且時時

眩暈亦兼膀胱與腎邪也當取腎經之湧泉穴足心陷中屈足

捲指宛宛中跪取之鉞又取膀胱經之崑崙穴後跟骨

三分留三呼灸三壯上陷中細脉動應手鉞視有血者則三經盡取之可也

邪在心則病心痛喜悲時眩仆視有餘不足而調之其輪

此言心邪諸病而有刺之之法也邪在心故心必痛且

善悲本神篇云心氣虛時或眩仆或邪氣有餘或正氣

不足皆病如是也當視其有餘不足而調之實以瀉而

虛則補皆取其神門之為俞穴者以刺之耳神門係心經穴在掌

後銳骨端陷中鍼三分留七呼灸七壯按本經邪客

篇云少陰心脉也心者五臟六腑之大主也精神之所

舍也其臟堅固邪弗能容也容之則心傷心傷則神去

神去則死矣故諸邪之在心者皆在心之包絡包絡者

心主之脉也故獨無腧焉其外經病而

內不病故獨取其經于掌後銳骨之端

○寒熱病第二十一篇內所論諸證不止寒熱然首節所論在寒熱故名篇但此寒熱主

外感言與瘰癧之寒熱不同

皮寒熱者不可附席。毛髮焦，鼻槁，脂不得汗。取三陽之絡以補手太陰。肌寒熱者，肌痛，毛髮焦而唇槁，脂不得汗。取三陽于下以去其血者，補足太陰以出其汗。骨寒熱

者，病無所安，汗注不休，齒未槁，取其少陰于陰股之絡。齒

已槁，死不治。骨厥亦然。

脂思亦切

此言寒熱不同而刺之亦異也。邪之在人，其始寒熱在于皮，正以肺主皮毛，開竅于鼻，故皮痛而不可近，席毛

髮焦燥，鼻孔枯，脂者乾也。如不得汗，當取足太陽勝

眇經之絡，穴飛揚以瀉之。蓋太陽爲三陽也，又當取手

太陰肺經之絡，穴列缺以補之。正以太陽主表，故宜瀉



其邪而肺主皮毛必宜補之于既瀉之後也 既然寒

熱在于肌肉正以脾主肌肉又主唇故肌痛及毛髮焦

而唇槁腊也如不得汗當取足太陽于下以去其血又

補足太陰脾經以出其汗也

不言穴者必俱是絡穴

其終也寒

熱在于骨病既不安汗亦不休如齒未槁當取足少陰

腎經之絡穴大鐘以刺之倘齒已槁則死不治矣外有

骨發為厥之證亦驗其齒以治之耳

骨痺舉節不用而痛汗注煩心取三陰之經補之

此節與前篇邪

在腎則病骨痛陰痺相同但此節取三陰無義一本作三陽則治法亦與前篇相同

此言病骨痺者而有刺之之法也骨痺已成節不能舉

而痛汗注于外心煩于內正以腎主骨又其脉之支者  
從肺出絡心注胸中故病如是也當取足太陽膀胱之  
經穴崑崙以補之蓋膀胱與腎爲表裏也

身有所傷血出多及中風寒若有所墮墜四支懈惰不收  
名曰體惰取其小腹臍下三結交三結交者陽明太陰也  
臍下三寸關元也

此言病體惰者而有刺之之法也身有所傷出血已多  
而傷處中于風寒此證近于後世  
之所謂破傷風或有所墮墜不必身

傷出血也四支懈惰其名曰體惰當取小腹臍下三結

交之穴以刺之蓋本經爲任脉而足陽明胃足太陰脾

經之脉亦結于此故謂之三結交也卽臍下三寸之關元穴耳。

厥痺者厥氣上及腹取陰陽之絡視主病也瀉陽補陰經也頸側之動脉人迎足陽明也在嬰筋之前。嬰筋之後手陽明也名曰扶突。次脉足少陽也名曰天牖。

次脉足太陽也名曰天柱。腋下動脉臂太陰也名曰天

府。足少陽當作手少陽觀前本輸篇第十三節云手少陽也名曰天牖六次脉可證。

此言厥痺者而有刺之之法也痺病在內厥氣上逆以及于腹當取陰經之絡卽下文手太陰肺經之天府是也刺陽經之絡卽下文足陽明胃經之人迎手陽明大

腸經之扶突手少陽三焦經之天牖足太陽膀胱經之

天柱是也于陽經則瀉之于陰經則補之但人迎之穴

乃頸側之動脈在嬰筋之前嬰筋者頸之豎筋也頸太

應手夾結喉兩旁一寸五分以候五藏扶突之穴在

氣一云禁鍼又云鍼四分過則殺人氣舍後一寸半在頸當曲頰下天牖之穴

嬰筋之後氣舍後一寸半在頸當曲頰下其脈次于扶突之後天牖本手少陽三焦經之穴而此

筋外缺盆上天容後天柱前完骨下髮際上鍼天柱

五分得氣卽瀉瀉盡更留三呼瀉三吸不宜補之穴其脈次于天牖之後挾項後髮際大筋外廉陷中

天府之穴乃腋下之動脈其脈行于臂故不稱口手

太陰而曰臂太陰也腋下三寸臂臑內廉動脈陷中以鼻取之鍼四分留七呼禁灸

陽迎頭痛胸滿不得息取之人迎陽迎斷作陽明因下有迎字及明迎韻似而誤

書訛傳者

上節五穴總治厥脾之證而此下五節則分言五穴可

以治諸證此節則以人迎所治之病而言之也陽明胃

經邪盛頭痛胸滿不得息當取上文人迎穴耳

暴瘖氣鞭取扶突與舌本出血鞭當作梗

此節以扶突所治之病言之也暴時瘖瘖而氣梗于喉

當取上文扶突穴及舌本即風府穴係督脉經頂後入髮際一

寸半宛宛中鍼三分禁灸令人失音

暴聾氣蒙耳目不明取天牖

此節以天牖所治之病言之也

按鍼灸聚英云主暴聾氣目不明耳不聰。

暴攣痼眩足不任身取天柱。

此節以天柱所治之病言之也暴攣者拘攣也暴痼者

癩癩也暴眩者眩暈也合三證而足不任身皆當取上

文天柱穴耳。

暴癰內逆肝肺相搏血溢鼻口取天府。

此節以天府所治之病言之也暴時大熱而在內氣逆

乃肝肺兩經之火邪相為搏擊以致血溢于鼻口當取

上文天府穴耳。

此為大牖五部。大當作天

此句總結上文五節其穴爲天牖五部也曰天牖五部者舉一穴以統五穴耳猶後世立湯藥之方舉一品以槩衆品也

臂陽明有入頰徧齒者名曰大迎下齒齩取之臂惡寒補之不惡寒瀉之足太陽有入頰徧齒者名曰角孫上齒齩取之在鼻與頰前方病之時其脉盛盛則瀉之虛則補之一曰取之出鼻外足陽明有挾鼻入于面者名曰懸顙屬口對入繫日本視有過者取之損有餘益不足反者益

仇齩止  
禹切

音頰

此言齒齩者當卽上下齒而分經以治之也臂陽明卽

手陽明大腸經也以其脉行于臂故不稱曰手而曰臂

也手陽明之脉其支者從缺盆上頸循天鼎扶突上貫

于頰入下齒縫中還出挾口交人中左之右右之左上

挾鼻孔循和髎迎香以交于足陽明故曰臂陽明有入

頰徧齒者其名曰大迎正以大迎出足陽明穴而手陽

明之脉則入而交之也

面頰為頰名大迎在曲頰前一寸五分骨陷中細脉又以口下

當兩肩是穴鍼三分留七呼吸灸三壯

齒有痛病謂之齲故下齒病齲者當

取此臂陽明之穴

商陽二間二間皆治病齒

如惡寒飲者虛也宜補

之不惡寒飲者實也宜瀉之

足太陽膀胱經之脉亦

入頰徧齒其所入之脉乃手少陽三焦經之角孫穴其



上齒齠者正足陽明胃經脉氣之所歷取之在鼻與頰  
前乃地倉巨膠等穴也如正痛之時其脉必盛盛則宜  
瀉之或虛則宜補之一曰當取之出于鼻外卽本經之  
和髎迎香等穴也 足陽明胃經之脉有挾鼻孔入于  
面者其脉會于足少陰膽經之懸顛穴屬口對入以繫  
于目本當視其有病者所以取之邪氣有餘則損正氣  
不足則益益者補也正以不足與有餘相反故益之耳  
其足太陽有通項入于腦者正屬日本名曰眼系頭目苦  
痛取之在項中兩筋間入腦乃別陰躄陽躄陰陽相交陽  
入陰陰出陽交于目銳眥陽氣盛則瞋目陰氣盛則瞑目

准膜音

此言頭目痛者當取玉枕而又言睛明爲陰陽二蹻之

所交乃寤寐之所以分病也是太陽膀胱經有通項入

于腦者名曰玉枕

開督脉一寸半腦戶枕骨上入髮際二寸鍼三分留三呼灸三壯

此

正屬于目之根兩眼中之系皆繫于此故名之曰眼系

凡苦頭痛或苦目痛者皆取之其脉在項中兩筋間入

于腦與陰蹻陽蹻相別實各陰陽諸經交會之所也又

陽蹻之脉入于陰陰蹻之脉出于陽交于目銳眥之睛

明穴陽蹻之氣盛則目瞋而不得閉陰蹻之氣盛則目

瞋而不得開也

熱厥取足太陰少陽皆留之寒厥取足陽明少陰于足皆

留之

少陽作少陰少陰作少陽素問有厥論本經終始篇亦有刺寒厥熱厥法

此言寒熱二厥而各有刺之之法也按素問厥論曰陽

氣衰于下則為寒厥陰氣衰于下則為熱厥蓋以熱厥

為足三陽氣勝則所補在陰故當取足太陰以補之其

少陽當作少陰皆留其鍼也寒厥為足三陰氣勝則所

補在陽故當取足陽明以補之其少陰當作少陽皆留

其鍼也

舌縱涎下煩惋取足少陰

此言舌縱涎下煩悶者而有刺之之法也病有舌縱而

不收其涎自下。內則煩悶者皆足少陰腎經之衰也。當

取腎經之穴以補之。

按本經口問篇帝曰人之涎下者何氣使然岐伯曰飲食者皆入于

胃胃中有熱則蟲動蟲動則胃緩胃緩則廉泉開故涎下補足少陰。

振寒洒洒鼓頷不得汗出腹脹煩惋取手太陰。

此言振寒為病者而有刺之之法也。凡振寒而洒洒然

鼓其頷間汗不得出內腹作脹而煩悶此乃元氣不足

也當取手太陰肺經以補之。

刺虛者刺其去也刺實者刺其來也。

此言刺虛實者之法也。凡刺虛者當乘其氣之去而隨

之隨之者所以補之也。凡刺實者當乘其氣之來而迎

之迎之者所以瀉之也九鍼十二原篇云迎而奪之惡得無虛追而濟之惡得無實迎之隨之以意和之

春取絡脉夏取分腠秋取氣口冬取經輸凡此四時各以時爲齊絡脉治皮膚分腠治肌肉氣口治筋脉經輸治骨

髓

齊劑同

此言四時各有所刺者以其各有所治也春取絡脉而刺之者以絡脉治皮膚也如肝經蠡溝爲絡之類夏取分腠而刺之者以分腠治肌肉也如夏取心與小腸分肉腠理之類秋取氣口而刺之者以氣口治筋脉也秋屬肺經故取之冬取經輸而刺之者以經輸治骨髓也

如腎經太谿爲命復溜爲經之類

按本經四時氣篇言春取經血脈分肉之

間素問水熱穴亦云春取絡脈分肉間四時氣篇言夏取盛經孫絡取分間絕皮膚水熱穴論夏取盛經分腠

理四時氣篇言秋取經輸水熱穴論云秋取經輸四時氣篇言冬取井榮水熱穴論云冬取井榮已前三

備此以參考之

五臟身有五部伏兔一腓二腓者膈也背三五臟之膈四

項五此五部有癰疽者死

此言癰疽生于五部者必死也五臟在內而關係于身

者有五部其一在伏兔

係足陽明胃經穴膝上六寸起肉正跪坐而取之一云膝蓋上

七寸以左右各三指按捺上有肉起如兔之狀

其二在腓腹腓腹者膈也其穴

名承筋

一名膈腸一名直腸俗云腿肚

其三在臂臂之

禁鍼灸三壯足太陽膀胱經穴

中曰督脉而背傍四行皆足太陽膀胱經穴其四在五

臟之俞

肺俞三椎旁心俞五椎旁肝俞九椎旁脾俞十一椎旁腎俞十四椎旁各開中行一寸半其

五在項亦係督脉與足太陽經此五部有癰疽者必死

也

按此言癰疽之不可治而自下節至末皆言有可治之所蓋出汗正所以去邪也然當知用藥亦猶是耳

病始手臂者先取手陽明太陰而汗出

此承上文而言病始手臂者而有先刺之法也手臂乃

手陽明大腸經手太陰肺經脉氣所行故病始手臂者

先取此二經刺之以出汗則其邪可去矣

病始頭首者先取項太陽而汗出

此承上文而言病始于頭者而有先刺之法也項上

于頭乃是太陽膀胱經脉氣所行故病始于頭者先取  
此經刺之以出汗其邪可去矣

病始足脛者先取足陽明而汗出

此承上文而言病始足脛者而有先刺之法也足脛外  
廉乃足陽明胃經脉氣所行故病始于足脛者先取此  
經刺之以出汗其邪可去矣

臂太陰可汗出足陽明可汗出故取陰而汗出甚者止之  
于陽取陽而汗出甚者止之于陰

此承上文而言肺胃兩經皆可以發汗若汗多者陰取  
之陽陽取之陰也臂太陰者即手太陰肺經也

素問刺  
禁論亦



有臂太陰以脉行于臂故云然此經與足陽明胃經皆可發汗若刺肺

經而汗出太甚則瀉胃經以止之蓋陽瀉則陰勝也刺

胃經而汗出太多則瀉肺經以止之蓋陰瀉則陽勝也

凡刺之害中而不去則精泄不中而去則致氣精泄則病

甚而恇致氣則生為癰疽矣

中去聲按前本輸篇云害中而不去則精泄害中而去則

致氣比此少一不字蓋此乃為生癰疽而發故止以實言之也

此承上文而言行鍼者之誤有二也凡刺者瀉實既中

其害則當去其鍼而久之不去則精氣反泄所以病益

甚而恇羸也既不中其害則當留鍼以再瀉而遂乃去

之則邪氣仍致所以生為癰疽也蓋皆指瀉實而言耳

○癲狂第二十二 內論癲狂諸證故名篇但首無起語疑是岐伯所言也

目眥外決于面者為銳眥在內近鼻者為內眥上為外眥

下為內眥

此言目眥分為內外而又各統其上下也眥眼角也目

眥外決于面者為銳眥 俗云外眼角 在內近鼻者為內眥 俗云

內眼角 眼之上泡屬于外眥眼之下泡屬于內眥也 按本篇俱

論癲狂厥逆而此首節獨以內外眥為言者須知人身臟腑之神以日為主故先以目眥言之示人以觀神之

法也

癲疾始生先不樂頭重痛視舉目赤甚作極已而煩心候

之于顏取手太陽陽明太陰血變而止。

此已下入節皆論癲疾諸證而此下三節則即其始作

之證而有刺之之法也凡癲疾始生其意先不樂其頭

先重而痛其所視舉目先赤三者已甚遂癲疾乃作至

于作極則其心大煩當候之于顏以知之本經五色篇庭者顏也又

曰庭者首面也乃取手太陽小腸經手陽明大腸經手太陰肺

經以刺之候至血變而止鍼按小腸經支正小海大腸經徧歷温溜肺太淵列缺

癲疾始作而引口啼呼喘悸者候之手陽明太陽左強者

攻其右右強者攻其左血變乃止穴考同前

此又即癲疾始作之證而有刺之之法也其口牽引或

啼或呼喘急驚悸者候之手陽明大腸經手太陽小腸

經左強右強凡證候脉體俱不病也其不強者為病故左強攻右右強攻左至血出色變而止鍼

癲疾始作先反僵因而脊痛候之足太陽陽明太陰手太

陽血變而止

按膀胱經委揚飛揚僕黍金門小腸見前胃經三里解谿脾經隱白公孫

此又即癲疾先作之證而有刺之之法也癲疾始作先

反僵仆隨即脊痛當取足太陽膀胱經足陽明胃經足

太陰脾經手太陽小腸經以刺之候至血變而止鍼

治癲疾者常與之居察其所當取之處病至視之有過者

瀉之置其血于瓠壺之中至其發時血獨動矣不動灸窮

骨二十壯窮骨者骶骨也

此言治癩疾之法也。凡欲治癩疾者，常與之居，察其病在何經，當取何穴。及病已發時，視其有病之經，瀉之。即以所刺之血，置之瓠壺之中。至于此病又發，其血當獨動，如血不動，宜灸脊盡之，骹骨二十壯。穴名長強，伏地取之，鍼二分，留

七呼灸  
五壯

骨癩疾者，頰齒諸腠分肉，皆滿而骨居，汗出煩惋，嘔多沃

沫，氣下泄，不治。

頰苦感切，舊釋以為飢黃起行，今此篇與本經雜病篇有曰：頰痛當有定所，想頰與

頰可通用，屈原賦：離騷云：長頰頰亦何傷，又可總稱。

此言骨癩疾之證，而決其不可治也。癩疾成于骨病，故

曰骨癩疾。其頰齒中諸穴分肉，邪氣閉滿，疔羸太甚，唯

骨獨居汗出于外煩惋于内此或有可治者若至于在  
上作嘔沃沫出多在下氣泄則上下交病此不可治之  
證也

筋癰疾者身倦攣急大刺項大經之大杼脉嘔多沃沫氣  
下泄不治

此言筋癰疾者有可治之穴有不可治之證也筋癰疾  
者癰病成于筋也其身倦怠拘攣其脉急大當刺足太  
陽膀胱經之大杼穴若在上多嘔沃沫在下洩氣此不  
可治之證也

大杼項後第一推下兩旁去脊  
中各一寸半鍼五分灸七壯

脉癰疾者暴仆四肢之脉皆脹而縱脉滿盡刺之出血不

滿灸之挾項太陽灸帶脉于腰相去三寸諸分肉本輪嘔  
多沃沫氣下泄不治。

此言脉癩疾者有可治之穴有不可治之證也脉癩疾  
者癩疾成于脉也猝時僵仆四肢之脉皆脹滿而弛縱  
如其脉果滿則盡刺之以出其血如其脉不滿則灸足

太陽膀胱經挾項之天柱穴

挾項後髮際大筋外廉陷中鍼二分留六呼灸三壯

又灸足少陽膽經之帶脉穴此穴相去于腰計三寸許

帶脉季脇下一寸八分陷中鍼六分灸三壯

乃諸經分肉之本穴蓋指四肢

之脉皆脹而縱之所也設在上嘔多沃沫在下洩氣則

不可治矣。

癲疾者疾發如狂者死不治。

此言癲疾太甚如狂者其證不可治也。

狂始生先自悲也。喜忘苦怒善恐者得之憂飢治之取手

太陰陽明血變而止。及取太陰陽明。

肺大腸胃脾穴見前

此以下六節皆論狂疾諸證。而此一節則卽其始生之

證。有得之于憂飢者而有刺之之法也。凡狂始生時悲

者肺之志忘者心之病怒者肝之志恐者腎之志今諸

證皆見皆得之于憂飢也。當取手太陰肺經手陽明大

腸經足太陰脾經足陽明胃經以刺之候其血出色變

而止鍼。



狂如發少臥不飢自高賢也自辨智也自尊貴也善罵詈  
日夜不休治之取手陽明太陽太陰舌下少陰視之盛者  
皆取之不盛釋之也

大腸小腸肺穴見  
前心神門少衝穴

此言狂有始發之證而有刺之之法也上節言始生而  
此曰始發則病已成而發也凡狂始發時不欲臥不言  
飢自以爲高賢辨智而尊貴其罵詈無有止時當取手  
陽明大腸經手太陽小腸經手太陰脾經及舌下之廉  
泉穴與手少陰心經等處又必視其血脉盛者皆取之  
如不盛則釋之而不取也

狂言驚善笑好歌樂妄行不休者得之大恐治之取手陽

明太陽太陰

好去聲  
樂八聲

此言狂有得之大恐者而有刺之之法也其證狂言又

驚又善笑又好歌樂又妄行不休此皆得之于大恐也

當取手陽明大腸經手太陽小腸經手太陰肺經以刺

之

大腸小腸  
肺穴見前

狂目妄見耳妄聞善呼者少氣之所生也治之取手太陽

太陰陽明足太陰頭兩顙

此言狂有生于少氣者而有刺之之法也妄有見聞而

口則善呼乃正氣衰所致也當取手太陽小腸經手太

陰肺經是太陰脾經及頭與兩顙之穴以治之

穴俱  
見前

狂者多食善見鬼神善笑而不發于外者得之有所大喜治之取足太陰太陽陽明後取手太陰太陽陽明

此言狂有得之大喜者而有刺之之法也狂有多食善見鬼神善笑而不發于外者此乃得之有所大喜也當

取足太陰脾經足太陽膀胱經足陽明胃經後又取手

太陰肺經手太陽小腸經手陽明大腸經以治之穴俱見前

狂而新發未應如此者先取曲泉左右動脈及盛者見血

有頃已不已以法取之灸骨骹二十壯應平聲

此言狂有新發而不宜太甚者當有刺灸之法也上節

狂證俱為太甚然狂新發未應如此當先取足厥陰肝

經左右曲泉穴以刺之及脉之盛者皆出其血有頃病  
當自巳如不已則灸骨骹二十壯夫曰以法取之則如  
前置血于瓠之中而驗之也

風逆暴四肢腫身潔潔唏然時寒飢則煩飽則善變取手  
太陰表裏足少陰陽明之經肉清取榮骨清取井經也

此言有風逆者當驗其證取其穴也風由外感厥氣內  
逆暴時四肢作腫其身潔潔然而無所拘束唏然冷笑  
貌此雖非笑而身則唏然覺寒未食而飢則甚煩既食  
而飽則多變不寧當取手太陰肺經手陽明大腸經之  
爲表裏者而刺之又取足少陰腎經足陽明胃經以刺

之其肉冷則取各經之榮穴若骨冷則取名經之井穴

經穴以刺之蓋亦指上四經而言耳

腎穴築賓  
餘穴見前

厥逆爲病也足暴冷胸將若裂腸若將以刀切之煩而不能食脉大小皆濇煖取足少陰清取足陽明清則補之温則瀉之

此又言厥逆諸證而有刺之之法也有厥逆爲病者其足暴冷上胸下腸痛如裂切之狀煩悶不能進食脉來或大或小俱帶濇滯如身體温煖則取足少陰腎經以瀉之如身體清冷則取足陽明胃經以補之

穴見前

厥逆腹脹滿腸鳴胸滿不得息取之下胸二脇欬而動手

者與背膂以手按之立快者是也

此又言厥逆諸證而有刺之之法也有厥逆者其腹脹

滿其腸則鳴胸中滿而不得息當取其胸之下左右二

脇之間蓋取足厥陰肝經之穴也如病人咳嗽而穴應

醫人手者當取背俞穴以刺之所謂欬而動手者若以

手按之其必立快也

肝穴期門章門

內閉不得溲刺足少陰太陽與骶上以長鍼

穴見前

此言不得溲者而有刺之之法也內閉不得小便當刺

足少陰腎經足太陽膀胱經及督脉之骶骨上其骶骨

上宜用長鍼以刺之

九鍼論云八曰長鍼取法于棊鍼長七寸主取深邪遠痺者也

氣逆則取其太陰陽明厥陰甚取少陰陽明動者之經也  
此言氣逆者而有刺之之法也有氣逆者當取足太陰  
脾經足陽明胃經足厥陰肝經如病甚則取足少陰腎  
經之經穴復溜足陽明胃經之經穴解谿也穴見前  
少氣身潔潔也言吸吸也骨瘦體重懈惰不能動補足少  
陰

此又言少氣諸證而有刺之之法也有少氣者身潔潔  
然而無所拘束言吸吸然而無所接續骨瘦體重懈惰  
不能動當取足少陰腎經以補之穴見前  
短氣息短不屬動作氣索補足少陰去血絡也

此言短氣諸證而有刺之之法也有短氣者息短而不

連屬動作而氣索然當補足少陰腎經其有血絡則去

之也已上六節仍指癲狂而言  
即第十八節概上穴可推

○熱病第二十三篇內所言諸病不一然  
論熱病更多故名篇

偏枯身偏不舉而痛言不變志不亂病在分腠之間巨鍼

取之益其不足損其有餘乃可復也偏枯見素問生氣通  
天論陰陽別論等篇

此言偏枯之證而有刺之之法也有患偏枯者半體不

能舉用而疼痛言固如常志亦不亂其病當不在內而

在于分肉腠理之間宜用巨鍼取之虛則補之實則瀉

之斯可復于無病也



痹之爲病也。身無痛者。四肢不收。智亂不甚。其言微。可知治甚。則不能言。不可治也。病先起于陽。後入于陰者。先取其陽。後取其陰。浮而取之。

痹音肥

此言痹病之證。而有刺之之法也。痹者。風痹也。其病身體無痛。但四肢不收。耳上節偏枯曰痛。而此痹病曰不痛。上節身偏不同。而此曰四肢俱不收。此其所以爲偏枯。與痹病之辨也。如神智雖亂。而不至于甚。人言雖不盡曉。而亦微有所知。此病尙有可治。若智亂太甚。自己全不能言。則不可治也。如病先起于陽。經而後入于陰。經者。必先取其陽。而後取其陰。當浮其鍼以取之。蓋陽

在表病先起于表故宜浮而取之但經文不言病先起于陰後出于陽者先取其陰後取其陽沉而取之之意須知病先起于陰者其病終不可治故不言之抑亦卽病先起于陽者以反推之耶以理詳之終爲不治之證否則經文言之悉矣觀前後篇可知也

熱病三日而氣口靜人迎躁者取之諸陽五十九刺以瀉其熱而出其汗實其陰以補其不足者身熱甚陰陽皆靜者勿刺也其可刺者急取之不汗出則泄所謂勿刺者有死徵也

此已下二十節皆言熱病而此一節則言熱病證脉相

應者當刺之以出汗而泄邪。證脈不相應者不必刺也。  
熱病已三日而氣口脈靜其人迎脈躁者乃病在六陽。  
經也。此正證脈相應。當取之諸陽經以瀉之。如前終始  
篇所謂人迎一盛病在足少陽。一盛而躁病在手少陽。  
人迎二盛病在足太陽。二盛而躁病在手太陽。人迎三  
盛病在足陽明。三盛而躁病在手陽明。人迎四盛且大  
且數者名曰溢陽。溢陽爲外格。此可見人迎脈躁者爲  
病在諸陽也。當取之諸陽經以瀉之。如上文終始篇所  
謂瀉足少陽等語是也。又行五十九刺之法。始本篇下  
文所謂五十九刺者是也。皆所以瀉其實而出其汗耳。

又從而實其陰經以補其不足者卽終始篇所謂人迎一盛瀉足少陽而補足厥陰二盛而躁瀉手少陽而補手厥陰人迎二盛瀉足太陽而補足少陰二盛而躁瀉手太陽而補手少陰人迎三盛瀉足陽明而補足太陰二盛而躁瀉手陽明而補手太陰者是也若身本熱而脉口固靜人迎不躁乃陰經陽經皆靜也是謂證脉不相應刺之無益勿刺之可也但如上文所謂氣口靜人迎躁者宜急取諸陽經以瀉之急取諸陰經以補之其急取諸陽者縱不汗出其邪亦從此而洩矣吾所謂身熱甚而陰陽皆靜爲不必刺者以其有死徵也蓋邪盛

脈宜躁今邪盛而熱甚正以正氣衰而脈不能躁不謂  
之死徵而何

熱病七日八日脈口動喘而短

一本作

者急刺之汗且自出

淺刺手大指間

此言熱病而脈口之脈證俱見者當刺手太陰肺經也  
終始篇謂脈口三盛病在手太陰者熱病已七八日其  
脈口之脈甚動證則喘而短氣當急取手太陰肺經之  
少商則汗當自出但刺之者宜淺刺手之大指間即少  
商穴也

熱病七日八日脈微小病者溲血口中乾一日半而死脈

代者一日死。

此又言熱病脈證不相應者爲必死也。熱病已七八日其脈雖微小其證則甚熱。下爲洩血而上爲口乾。此邪盛而正虛也。當至一日半而死。若脈之微小中而兼代脈來見者。止在一日間耳。其死便促也。

熱病已得汗出而脈尙躁喘且復熱。勿刺膚喘甚者死。

此又言熱病脈證不相應者爲必死也。熱病已得汗出則邪宜退矣。其脈不宜躁而今尙躁。其證不宜喘不宜熱而今及喘且復熱。夫躁與熱則邪氣盛喘則正氣虛。勿刺其膚。刺之無益也。若至于喘甚則必死矣。

熱病七日八日脉不躁躁不散數後三日中有汗三日不

汗四日死未曾汗者勿腠刺之數音朔

此又言熱病脉證不相應者為必死也熱病已七八日脉雖不躁然亦不散且帶數是邪尚未退當再過三日之中宜有汗出而愈若不汗出乃正氣衰而不能為汗至于四日當死也且未曾汗出勿刺其膚腠刺之無益也

熱病先膚痛窒鼻充面取之皮以第一鍼五十九苛軫鼻

索皮于肺不得索之火火者心也軫當作癭海篇有此字

此言熱病之邪在皮者當取之皮如病不已必補心以

勝肺也肺屬金其合在皮今熱病之始膚痛鼻塞面亦  
 充然而浮乃病在于皮也當取之皮以瀉之所謂刺皮  
 無傷肉之義也用第一鍼名鑱鍼者以刺五十九穴之  
 皮九鍼論云一日鑱鍼者取法于巾鍼去未寸半卒銳之長一寸六分主熱在頭身且身罷苛  
 重鼻上生疹皆皮病也此其求之于皮即所以求之于  
 肺也如刺之而病不得退則當求之于火所謂火者心  
 也補其心經以致火王則金衰肺熱自可退耳

熱病先身濇倚而熱煩惋乾唇口啞取之脉以第一鍼五  
 十九膚脹口乾寒汗出索脉于心不得索之水水者腎也

乾音

十



比言熱病之邪在脉者當取之脉如病不已必補骨以  
勝心也心屬火其合在脉今熱病之始其身滿滯倚着  
而熱心則煩悶唇口與噤皆乾乃病在于脉也當取之  
脉以瀉之所謂刺脉無傷皮也用第一鍼名曰鑱鍼者  
以刺五十九穴之脉正以膚脹口乾冷刺出皆脉病也  
此其求之于脉卽所以求之于心也如刺之而病不得  
退則當求之于水所謂水者腎也補其腎經致水玉則  
火衰心執自可退耳

熱病噤乾多飲善驚臥不能起取之膚肉以第六鍼五十  
九目皆青索肉于脾不得索之木木者肝也

此言熱病之邪在肉者當取之肉如病不已必補肝以  
 勝脾也脾屬土其合在肉今熱病而嗑乾故多飲且善  
 驚悸四肢懈倦臥不能起乃病在于肉也當取之膚肉  
 以瀉之所謂刺肉無傷筋也用第六鍼名曰員利鍼者  
 以刺五十九穴之肉九鍼論六曰員利鍼取法十釐鍼  
 微大其末反小其身令可深納長  
 一寸六分主取癰痺者也正以目眇色青乃木來尅土主肉病也此  
 其求之于肉即所以求之于脾也如刺之而病不得退  
 則當求之于木所謂木者肝也補其肝木以致木王則  
 土衰脾熱自可退耳

熱病面青腦痛手足躁取之筋間以第四鍼于四逆筋覺

目浸索筋于肝不得索之金金者肺也

此言熱病之邪在筋者當取之筋如病不已必補肺以

勝肝也肝屬木其含在筋今熱病而面青肝色見也腦

痛肝邪隨督脉會于巔也手足躁者以脾主四肢而肝

熱有餘四肢熱也且木病在于四末也乃病在于筋當

取之筋以瀉之所謂刺筋無傷骨也用第四鍼名曰鋒

鍼者以刺四肢之厥逆

九鍼論四曰鋒鍼取法于絮鍼筋其目鋒其末長一寸六分主

癱熱正以肝主筋今筋蹇足不能行也肺主目今日浸

淚出不收也皆筋病也此其求之于筋即所以求之于

肝也如刺之而病不已則當求之于金所謂金者肺也

補其肺金以致金玉則木衰肝邪自可退耳

熱病數驚癎瘖而狂取之脈以第四鍼急瀉有餘者癎疾毛髮去索血于心不得索之水水者腎也

此言熱病之邪在血脈當取之血脈如病不已必補水以勝心也心屬火其合在血脈故上文已言熱病在脈而此又言熱病在血者又當取之血也熱病數驚心邪有餘也癎瘖者熱極生風也狂則邪尤甚矣其病在脈當用第四鍼曰鋒鍼者以急瀉心脈有餘之邪正以脈病則血病故發爲狂疾血之熱也毛髮亦去髮爲血餘也此其求之于血正所以求之于心也如刺之而病不

退則當木之于水所謂水者腎也補其腎水以致水王則火衰心邪自可退耳

熱病身重骨崩耳聾而好瞑取之骨以第四鍼五十九刺骨病不食齧齒耳青索骨于腎不得索之士土者脾也

此言熱病之邪在骨者當取之骨如病不已必補脾以

勝腎也腎主水其合在骨今熱病而身體重其骨崩其

耳聾腎開竅子耳又好瞑目陰病則目瞑乃病在于骨也當取之

骨用第四鍼曰鋒鍼者以刺五十九穴之骨且其熱病

而不能食又齧其齒齒為骨餘也耳又青腎竅子耳腎衰故耳青

此其求之于骨正所以求之于腎也如刺之而病不已

則當求之于土所謂上者脾也補其脾經以致土王則水衰腎邪自可退耳

熱病不知所痛耳聾不能自收口乾陽熱甚陰頗有寒者熱在髓死不可治

此言熱病在髓者不可治也熱病而痛無定所耳中聾不能聞四支懈惰不能收持口中乾枯此其陽經熱甚而陰經頗有寒意若遷延日久陰經亦已熱甚遂至熱在子髓則死不可治矣

熱病頭痛顛顛目癢脉痛善衄厥熱病也取之以第三鍼

視有餘不足寒熱痔

此言熱病名厥熱者有諸證有治法也熱病頭痛其顛

顛一名腦空屬足少陽膽經穴在腦後玉枕骨下陷中與目善瘳而筋脉動脉亦

作痛鼻中善衄此乃厥氣上逆而成熱病也取之以第

三鍼曰鍤鍼者以刺之九鍼論三鍼鍤鍼取法于黍粟之銳長三寸半主極脉取氣俞

邪出視其有餘則瀉不足則補且厥熱之病又必發之而

為寒熱結之而為痔疾也

熱病體重腸中熱取之以第四鍼於其脛及下諸指間索

氣于胃脘得氣也脘音各釋文云脘下也胃之經脉與脘下無着疑當作絡

此言熱病在胃者當取之胃所以去其邪氣也熱病而

身體重以胃土主肉故體重也及腸中必熱當取之以

第四鍼曰鋒鍼者以刺胃經之俞穴陷谷是大指次指外間本節後

陷中去內庭二寸鍼五分留七呼灸三壯及下諸指間即厲兌內庭等穴也

此其索氣于胃之經絡則邪氣必因之而泄矣

熱病挾臍急痛胸脇滿取之湧泉與陰陵泉取之第四鍼

鍼嗑裏嗑音益

此言熱病在腎脾者有諸證有治法也熱病挾臍急痛

其胸脇皆滿乃脾腎二經之邪也當取腎經之湧泉脾

經之陰陵泉以瀉之其所用者乃第四鍼曰鋒鍼者耳

又須鍼其嗑咽之裏可也

熱病而汗且出及脈順可汗者取之魚際大淵大都太白



瀉之則熱去補之則汗出汗出太甚取內踝上橫脈以止之

此言熱病之汗可出則出之可止則止之也熱病而汗且出但未甚出也其脈亦順非不可治之脈也故法有可汗者當取手太陰肺經之魚際太淵脾經之大都太白瀉此四穴則熱自去補此四穴則汗自出若汗出太甚則又取內踝上橫脈曰三陰交者以瀉之則汗自止矣

熱病已得汗而脈尚躁盛此陰脈之極也死其得汗而脈靜者生

此言熱病汗後脉躁者死反是則生也熱病已得汗脉宜靜今反躁盛者此乃陰經之脉衰弱已極故有陽脉而無陰脉也其人主于死若得汗之後而脉遂能靜則有陰以配陽必能以有生矣此節所重者脉之順也

熱病者脉尚躁而不得汗者此陽脉之極也死脉盛躁得汗靜者生

此言熱病脉盛而不得汗者死反是則生也熱病脉躁盛宜得汗今反不得汗者此乃陽經之脉衰弱已極故表虛而不能發汗也其人主于死若脉躁盛而汗出脉靜者必能以有生矣此節所重者證之順也

熱病不可刺者有九。一曰汗不出。大顴發赤。噦者死。二曰泄而腹滿甚者死。三曰目不明。熱不已者死。四曰老人嬰兒熱而腹滿者死。五曰汗不出。嘔下血者死。六曰舌本爛。熱不已者死。七曰欬而衄。汗不出。出不至足者死。八曰髓熱者死。九曰熱而瘧者死。腰折。瘕瘲。齒噤。齧也。凡此九者不可刺也。

瘧音敬。義見後。齧音解。齒怒也。

此言熱病不可刺者九。以其必至于死也。其一曰熱病汗不得出。大顴骨之上發而為赤。胃邪盛也。穀氣與邪氣相爭。發而為噦。胃氣虛也。此其所以死也。其二曰熱病下則為泄。而腹尤甚滿。不以泄減。脾氣衰也。此其所

以死也其三曰目以熱而不明熱又甚而不已肝氣衰也此其所以死也其四曰凡老人嬰兒熱病而腹滿者脾邪盛也此其所以死也其五曰熱病而汗既不出心氣衰也血或嘔或下則邪尤盛也此其所以死也其六曰舌本已爛熱猶不已心邪盛也此其所以死也其七曰熱病欬而且衄肺邪盛也其熱已極汗猶不出心氣衰也縱汗出而不至足此卽上節陽脉之衰此其所以至于死也其八曰熱病而髓甚熱熱則髓枯腎氣衰也此其所以至于死也其九曰熱病發而爲瘧蓋熱極生風而爲強病也此其所以至于死也凡此九者其腰必

折其病發爲瘰癧其齒必噤且斷皆死徵已見刺之無益也

所謂五十九刺者兩手外內側各三凡十二瘡五指間各一凡八瘡足亦如是頭入髮一寸旁三分各三凡六瘡更入髮三寸邊五凡十瘡耳前後口下者各一項中一凡六瘡巔上一顙會一髮際一廉泉一風池二天柱二

此明上文之五十九穴也魚際在大指內側商陽在次指內側中衝在中指內廉關衝在四指外廉少衝在小指內廉少澤在小指外側或外內廉或側各三則手有六經計六井穴左右手共十二瘡也曰瘡者蓋刺瘡曰

瘡故卽瘡爲數也五指間各一則每指第三節盡處縫  
間計有四處左右共八瘡也其足所刺八處亦如是也

頭入髮一寸旁三分

此分字作去聲猶言三處也若平聲則三分旁無定

蓋督

脉之上星在頭直入髮一寸今足太陽膀胱經之五處

穴在上星旁一寸半其曰承光

五處後一寸半

曰通天

承光後一寸半

則又在五處之上也兩傍各三計有六穴故刺之者凡

六瘡也

更入髮三寸邊五謂臨泣目窻正營承靈腦

空此皆足少陽膽經之穴去督脉中行各三寸左右其

十穴故刺之者凡十瘡也

耳前聽會穴左右其二耳

後完骨穴左右其二俱係足少陽膽經口下承漿穴係

任脉經項中風府穴係督脉經凡所以刺之者六瘡也

巔上一調百會穴

前項後一寸半

額會一

上星後一寸

髮際

一前髮際謂神庭

入髮際五分

後髮際謂風府係督脉經穴

項後入髮際一寸

廉泉一係任脉經穴

額下結喉上四寸仰而取之

風

池二係足少陽膽經穴

耳後顛顛後腦空下髮際陷中

天柱二係足

太陽膀胱經穴

挾項後髮際大筋外陷中

由前計之共有五十九

穴也

按此與素問水熱穴論中五十九穴不同要知彼之五十九穴所以刺水病而此則刺熱病病有不

同故穴因以異成無已註傷寒論乃兩入之蓋不考諸穴所在耳既曰治傷寒則當從靈樞而不宜以治水之

穴入矣

氣滿胸中喘息取足太陰大指之端去爪中如韭葉寒則

留之熱則疾之氣下乃止

此以下七節另言雜證與上熱病無涉而此一節則言

氣證者之有刺法也凡氣滿于胸中而其息喘促者呼吸

爲息則病在上者取之下當刺足太陰脾經之隱白穴在

足大指之端去爪甲如韭葉如寒而有此證則久留其

鍼以補之使至于溫如熱而有此證則疾去其鍼使至

于寒候其氣下不喘乃止鍼也

心疝暴痛取足太陰厥陰盡刺去其血絡

此言心疝者之有刺法也有患心疝而暴時作痛者當

取足太陰脾經足厥陰肝經凡有血絡者盡刺去其血



可也

喉痺舌卷口中乾煩心心痛臂內廉痛不可及頭取手小指次指爪甲下去端如韭葉

此言喉痺者之有刺法也素問陰陽別論云一陰一陽結謂之喉痺則喉痺明係手厥陰心包絡手少陽三焦經也其病舌卷而短口中作乾心煩且痛臂之內廉亦痛不能舉之以上及于頭當取手小指之次指卽第四指也係手少陽三焦經其穴在次指之端名關衝去爪甲如韭葉者是也

三焦井穴鍼一分  
留三呼灸一壯

日中赤痛從內眥始取之陰蹻

此言目中赤痛者之有刺法也。目中赤痛從內眥始者

乃足太陽膀胱經之睛明穴也。膀胱與腎為表裏，當取

腎經之照海穴以補之。所謂病在上者取之下，而補陰

則陽退也。此穴乃陰蹻脈氣所發，故曰取之陰蹻也。前按

癩狂篇以目外眥為銳眥，而眼之上屬于外眥，以內近

鼻者為內眥，而眼之下屬于內眥。此篇以目之赤痛從

內眥始者，刺腎經。正以睛明屬膀胱者，與腎為表裏也。

又本經論疾診尺篇有云：脈從上下者，太陽病，則眼之

上似乎屬之膀胱經，推之與眼之下屬之內眥者相同矣。殊不知太陽之脈氣盡行于頭，故其病自上而下者如此，非有彼不同也。至于下文所謂從下上者，陽明病從外走內者，少陽病義亦如此。須知從內走外者亦太陽病也。特未之明言耳。

風痙身反折，先取足太陽及膈中，及血絡出血，中有寒取

三里

按海篇痙音敬釋云風強病也另痙音熾釋云惡也一病不同後世不考互書者非

此言風痙者之有刺法也感風而體強者曰風痙其身反折而不能伸此乃足太陽膀胱經證也當先取足太陽膀胱經之委中穴其有血絡者出之如有寒而不止于風則取足陽明胃經之三里以刺之

痙取之陰躄及三毛上及血絡出血

此言痙者之有刺法也膀胱不利為痙謂小便不通也膀胱與腎為表裏當取腎經之照海穴以刺之乃陰躄脈氣所發也及肝經之大敦穴在足大指外側之三毛上及二經之有血絡者皆取之出血李東垣曰腎主閉

藏肝主疏洩則取之兩經也宜矣。

男子如蠱女子如蛆身體腰脊如解不欲飲食先取湧泉

見血視跗上盛者盡見血也性秦呂切又子御切玉篇云

此言男女成脹鬱證者當有刺之之法也男子有脹病

如犯蠱毒相似女子有鬱病如成疽疾相似其身體腰

脊俱如解分不相連屬又不欲飲食此病在上者當取

之下宜先取腎經湧泉穴以見血又視足面之為跗上

者其血絡盛處盡取之以見血蓋指足陽明胃經也

○厥病第二十四篇內所論不止厥病然首節有厥頭痛厥心痛等病故名篇然此厥之為

義乃氣逆而以此連彼之謂實與素問之厥論不同

厥頭痛面若腫起而煩心取之足陽明太陰 厥頭痛頭

脉痛心悲善泣視頭動脉反盛者刺盡去血後調足厥陰

厥頭痛貞貞頭重而痛瀉頭上五行行五先取手少陰

後取足少陰 厥頭痛意善忘按之不得取頭面左右動

脉後取足太陰 厥頭痛項先痛腰脊為應先取天柱後

取足太陽 厥頭痛頭痛甚耳前後脉湧有熱一本云瀉有動脉

出其血後取足少陽 真頭痛頭痛甚腦盡痛手足寒至

節死不治 頭痛不可取于膪者有所擊墮惡血在于內

若肉傷痛未已可則刺不可遠取也 頭痛不可刺者

大痺為惡日作者可令少愈不可已 頭半寒痛先取手

少陽陽明後取足少陽陽明

行音杭合平聲凡各經之穴宜按鍼灸聚英以取之

此言頭痛有厥痛有真痛其諸證皆有刺之之法也厥頭痛者邪氣逆于他經上干于頭而痛也其氣不循經隧而有逆行之意故亦名之曰厥真頭痛者邪氣專入頭腦而痛非由他經之所干也 有厥頭痛者面腫于外心煩于內當取足陽明胃經足太陰脾經以刺之 有厥頭痛者心悲而善泣當視其頭之動脈反盛者刺之以盡去其血後調足厥陰肝經以刺之 有厥頭痛

者貞貞然而不移其頭甚重而痛當瀉頭上之五行每行有五其二十五穴其中行督脈經之上星顙會前三

百會後頂穴是也。次兩旁卽足太陽膀胱經之五處承  
光通天絡鄰玉枕穴是也。又次兩旁卽足少陽膽經之  
臨泣目窓正營承靈腦空穴是也。又先取手少陰心經  
後取足少陰腎經之穴以刺之。有厥頭痛者其意善  
忘。按其痛處。又無定所。當取頭面左右之動脈。後取足  
太陰脾經之穴以刺之。有厥頭痛者其項先痛而腰  
脊隨痛以應之。當取足太陽膀胱經之天柱穴。復取本  
經之他穴以刺之。有厥頭痛者頭痛已甚其耳前後  
之脈湧起而熱。當瀉其熱脈之直。後取足少陽膽經之  
穴以瀉之。有眞頭痛者頭痛最甚其腦盡痛如手足

盡冷皆至于節當爲死不治也。有頭痛不可取膻穴以刺之者以其有所擊墮惡血在于內亦能令人頭痛所以不可取于膻穴也。若擊墮之處肉有所傷而頭痛未已可取鍼以側刺其頭痛之處不必遠取諸穴以刺之也。有頭痛不可刺者以其素成大痺而爲惡患亦能令人頭痛若此痛日發者止可令其畧愈不能使之終已也。有頭之半冷痛者先取手少陽三焦經手陽明大腸經後取足少陽膽經足陽明胃經以刺之。

厥心痛與背相控善瘕如從後觸其心僂僂者腎心痛也。先取京崑崙發鍼不已取然谷穴厥心痛腹脹胸滿心



尤痛甚胃心痛也取之大都太白刺厥心痛痛如以錐鋒

刺其心心痛甚者脾心痛也取之然谷太谿厥心痛色

蒼蒼如死狀終日不得太息肝心痛也取之行間太衝

厥心痛臥若徒居心痛間動作痛益甚色不變肺心痛也

取之魚際太淵真心痛手足青至節心痛甚旦發夕死

夕發旦死心痛不可刺者中有盛聚不可取于喻腸

中有蟲瘕及蛟蛭皆不可取以小鍼心腸痛懷作痛腫聚

往來上下行痛有休止腹熱喜渴涎出者是蛟蛭也以手

聚按而堅持之無合得移以大鍼刺之久持之蟲不動乃

出鍼也悉腹懷痛形中上者

瘕音賈痛音賄合平聲悉音  
烹末中上之中去聲此節當

與後雜病篇心痛諸證參看

此言心痛者有厥痛有真痛其諸證皆有刺之之法也  
厥心痛者邪氣入于五臟五臟氣來于心而痛如下文  
腎心痛之類是也真心痛者邪氣自入于心而痛非由  
他經之所干也 有厥心痛者心與背相控引而痛且  
善瘕如驚風之狀如從後背向前來觸其心而形似偃  
僂者正以腎經有邪而心因以痛謂之腎心痛也腎與  
膀胱爲表裏當先取膀胱經之京骨崑崙二穴如發鍼  
而痛未已又取腎經之然谷穴以刺之 有厥心痛者  
腹脹胸滿心尤痛甚乃胃經有邪而心因以痛謂之胃

心痛也。胃與脾爲表裏，當取脾經之大都、太白以刺之。有厥心痛者，其痛如以錐鍼刺其心，心遂痛甚，乃脾經有邪，而心因以痛，謂之脾心痛也。當取腎經之然谷、太谿二穴以刺之。有厥心痛者，其色蒼蒼然如死狀，終日欲一太息而不可得，乃肝經有邪，而心因以痛，謂之肝心痛也。當取肝經之行間、太衝二穴以刺之。有厥心痛者，臥若獨居，其心覺痛，間或動作，其痛益甚，是動靜皆痛也。面色不變，乃肺經有邪，而心因以痛，謂之肺心痛也。當取肺經之魚際、太淵二穴以刺之。有真心痛者，手足之色青至指節，心痛更甚，此乃邪入于心，其

死在旦夕間也。有心痛不可取于膻穴者，以其中有盛聚而心因以痛，與外之膻穴無涉，故不可取于膻穴也。有腸中有蟲瘕及蛟蛭而痛者，皆當取以大鍼而不可取以小鍼也。然何以驗之？其心與腸痛，懊懣不能自寧，或時腫聚，或時往來，上下而行，但痛有休止耳。又腹中熱，口中渴，且出涎，是乃蛟蛭為祟也。刺之之法，當以手撮聚按捺，而堅持之，無令其得以移動，遂以第九大鍼刺之，且其手宜久持之，蟲不能動，遂乃出鍼，然欲知有蟲，不但如前病證而已，悉工于腹而懊懣，各症其蟲

形中上而升者，卽可以蟲治也。  
大鍼見九鍼論

耳聾無聞取耳中 耳鳴取耳前動脈 耳痛不可刺者

耳中有膿若有乾取聾耳無聞也 耳聾取手小指次指

爪甲上與肉交者先取手後取足 耳鳴取手中指爪甲

上左取右右取左先取手後取足 乾音干取都領切 聾乃頂切耳中垢

此言耳病諸證皆有刺之之法也有耳聾無聞者當取

耳中聽宮穴以刺之係手太陰以小腸經 聽宮名多所聞耳中珠子大如

赤小豆鍼三分灸三壯 有耳鳴者取耳中動脈即耳門穴係手

少陽三焦經 耳前起肉鍼三壯 留三呼灸三壯 有耳痛不可刺者以

耳中有膿故也若膿積而為瘡取聾則耳必無聞須出

此乾取聾而痛可止矣 有耳聾者當取手小指之

次指爪甲上與肉交者即手少陽三焦經關衝穴也先

取此後又取足少陽膽經之竅陰以刺之

關衝鍼一分留三呼灸一

壯竅陰在足四指端鍼一分留一呼灸三壯

有耳止鳴者當取手之中指

爪甲上即手厥陰心包絡經中衝穴左鳴取右右鳴取

左先取手經後取足厥陰肝經大敦穴以刺之

足髀不可舉側而取之在樞合中以員利鍼大鍼不可刺

此言足髀不能舉者有當取之穴當用之鍼也足在下

髀在股外皆不能舉者當側臥而取之在髀樞中即足

少陰膽經之環跳穴也

側臥伸下足屈上足以右手摸穴以左手搖撼取之鍼一分留

二呼灸三壯

用第六員利鍼以刺之其第九大鍼不可刺也

員利鍼大鍼見  
本經九鍼論

病注下血取曲泉

此言下血者有當刺之穴也凡病注下血者以肝不能  
納血也當取肝經之曲泉以刺之

風痺淫灑病不可已者足如履水時如入湯中股脛淫灑  
煩心頭痛時嘔時悶眩已汗出久則目眩悲以喜恐短氣  
不樂不出三年死也以已同  
樂入聲

此言風痺之有諸證者不出三年死也有病名風痺者  
其邪氣淫佚消燥病難得愈足如履水之寒又如入湯  
之熱寒熱無常下而股脛則淫灑不寧中而心則煩而

不靜上而頭則痛不能安時嘔時暈眩暈既已則汗出  
久則又眩悲哀既已則或喜或恐或短氣或不樂此其  
陰陽不和臟腑不營營衛不交血氣偏勝其死當在三  
年之內耳

○病本第二十五

此與素問標本病傳論相同然凡病  
必先治其本若中滿與大小不利則  
不分標本而必先治之本經以本篇論標本後論  
病傳分爲二篇素問合標本病傳論共爲一篇

先病而後逆者治其本先逆而後病者治其本先寒而後  
生病者治其本先病而後生寒者治其本先熱而後生病  
者治其本先泄而後生他病者治其本必且調之而治其  
他病先病而後中滿者治其標先病而後利者治其本先



中滿而後煩心者治其本有客氣有同氣大小便不利治其標大小便利治其本病發而有餘本而標之先治其本後治其標病發而不足標而本之先治其標後治其本謹詳察間甚以意調之間者并行甚爲獨行先小大便不利而後生他病者治其本也

間去聲

此言凡病皆當先治其本唯中滿及大小便不利者則不分爲本爲標而先治之也夫先病曰本後病曰標故凡先生初病而後病勢逆者必先治其初病之爲本若先病勢逆而後生他病者則必以病勢逆之爲本而先治之也凡先生寒病而後生他病者必先治寒病之

爲本若先生他病而後生寒病者則又以他病之爲本而先治之也 凡先生熱病而後生他病者必先治熱病之爲本若先生泄病而後生他病者則亦以泄病之爲本而先治之也蓋病有不同必且先調其本乃治其他病耳唯有先生他病而後中滿者則不治其本而必先治中滿之爲標至于先生他病而後生泄病者則亦治其他病之爲本而不治其泄病之爲標也然不唯中滿爲標者之當治雖先生中滿而後生煩心之病則中滿爲本亦必先治中滿矣夫不分爲本爲標而必先治中滿者何也正以人之病氣有二病本不相同而乃彼

此相傳者謂之客氣也。有二病之氣本相同類而乃彼此相傳者謂之同氣也。卽如先中滿而後小大便不利者乃病之同氣也。正以有中滿之病者必至于大小便之不利耳。此則必先治大小便不利者之爲標而不治中滿之爲本也。若大小便利者則先治中滿之爲本而不必治大小便之利者矣。且百病之標本當分而虛實之大勢宜審。卽如病發而有餘則邪氣勝也。當先治其本以瀉其邪。而後治其標。則諸病可漸平矣。所謂本而標之也。此凡病先治其本之謂也。病發而不足則正氣虛也。當先治其標以去他病。而後治其本。則本體自可。

補矣所謂標而本之也此中滿大小不利先治其標之  
謂也且百病之生也有五臟相尅而病勢日甚者謂之  
甚如肝克脾脾尅腎之類是也有五臟間傳而病勢未  
甚者謂之間如肝傳心心傳脾之類是也謹當察其間  
甚以意調之間者病證并行而勢輕甚者病證獨行而  
勢重所謂中滿與小大便不利者卽并行之病也故先  
大小便不利而後生他病者亦治大小便不利之爲本  
而後治他病之爲標也蓋以中滿對別病而言固必先  
治中滿若以中滿對小大便不利而言則又先治大小  
便之不利也此與素問標本病傳論相同乃治病者之

樞要錄

○雜病第二十六

內論雜病不  
一故名篇

厥挾脊而痛至頂頭沉沉然目眊眊然腰脊強取足太陽  
 膈中血絡。厥胸滿面腫唇潔潔然暴言難甚則不能言  
 取足陽明。厥氣走喉而不能言手足清大便不利取足  
 少陰。厥而腹嚮嚮然多寒氣腹中穀穀便溲難取足太  
 陰。眊音荒目不明又狼眊南夷  
 國名人能夜市金。穀音穀

此言厥病諸證而各有刺之之法也厥之為義見素問  
 厥論篇今厥逆為病挾脊而痛至于其頂頭則昏沉而  
 不能舉目則眊眊然而不明腰脊皆強而不能屈伸此

乃足太陽膀胱有邪也當取其臑中之穴曰委中者以  
去其血絡也厥逆爲病胸滿面腫其唇則漯漯然而  
有涎出唾下之意猝暴難言甚則全不能言此乃足陽  
明胃經有邪也當取胃經之穴以刺之厥逆爲病其  
氣上走于喉而不能言手足皆冷大便秘不利當取足少  
陰胃經之穴以刺之厥逆爲病腹中嚮嚮然而氣善  
走布且多有寒氣又穀穀然而有聲大便甚難當取足  
太陰脾經之穴以刺之

嗑乾口中熱如膠取足少陰

此言嗑乾口中熱者當有刺之之法也嗑咽乾燥口中甚

熱其津液如膠之稠當取足少陰腎經之穴以補之水  
王則火衰也

膝中痛取犢鼻以員利鍼發而間之鍼大如釐刺膝無疑

此言膝痛者有當刺之穴當用之鍼也膝中痛當取足

陽明胃經之犢鼻穴以刺之

膝膕下脩骨上俠解大筋陷中形如牛鼻故名鍼三

分灸三壯

其所用之鍼則第六曰員利鍼者必發其鍼而又

間刺之非止一次而已也此鍼取法乎釐鍼微大其末

反小其身令可深納長一寸六分刺膝用之無疑也

喉痺不能言取足陽明能言取手陽明

此言喉痺者當審其能言不能言而分經以刺之也

按此

與下其三節皆取之手足陽明二經

瘧不渴間口而作取足陽明渴而日作取手陽明

此言瘧症者當審其渴不渴間作日作而分經以刺之

也

齒痛不惡清飲取足陽明取日飲取手陽明惡去聲

此言齒痛者當審其惡冷飲不惡冷飲而分經以刺之

也胃經惡熱不惡寒大腸惡寒不惡熱故刺之者如此

聾而不痛者取足少陽聾而痛者取手陽明

此言耳聾者當審其痛與不痛而分經以刺之也

衄而不止衄血流取足太陽衄血取手太陽不已刺宛刺



下不已刺膈中出血

宛腕同

此言衄血者當審其血之多寡病之難易而分經以刺之也鼻中出血曰衄血至敗惡凝聚其色赤黑者曰衄血成流則血去多而不止于衄血也當取足太陽膀胱經以刺之其膈中出血仍是膀胱經之委中穴也若止曰衄血則不成流而去之似少也當取手太陽小腸經穴以刺之其胸骨下卽手少陰心經之通里穴正以心與小腸爲表裏也

腰痛痛上寒取足太陽陽明痛上熱取足厥陰不可以俛仰取足少陽

此言腰痛者當審其痛處之冷熱及不可以俛仰而分經以刺之也

中熱而喘取足少陰膈中血絡

此言熱喘者而有刺之之法也足少陰腎經也膈中血

絡是太陽膀胱經委中穴也

喜怒而不欲食言益小取足太陰怒而多言刺足少陽

此言善怒者當審其欲食不食難言多言而分經以刺

之也

顛痛刺手陽明與臆之盛脈出血

顛苦感切舊釋以為黃起行今日顛痛必有

其處想顛

與顛同

此言顛痛者而有刺之之法也

手陽明當是商陽穴顛之盛脉是胃經頰車穴

項痛不可俛仰刺足太陽不可以顧刺手太陽也

此言項痛者當審其不可俛仰不可顧而分經以刺之

也

按俛仰屬背與腰故曰足太陽而顧則屬肩與項故曰手太陽也

小腹滿大上走胃至心淅淅身時寒熱小便不利取足厥

陰腹滿大便不利腹大亦上走胸嗑喘息喝喝然取足

少陰腹滿食不化腹響響然不能大便取足太陽

此言小大腹滿者當審其諸證而分經以刺之也小腹

滿者小腹也腹滿者大腹也小腹滿者小便不利大腹

滿者大便不利小腹滿者其滿大上走胃至心不及胸

咽也身若淅淅然時發寒熱當取足厥陰肝經以刺之

大腹滿者其滿大亦上走胸咽不止胃與心也故喘

息喝喝然此則當取足少陰腎經以刺之 又有大腹

滿者其所食不化腹中響響然而布氣此則當取足太

陰脾經以刺之然凡大腹滿者其大便不利則一也

心痛引腰脊欲嘔取足少陰 心痛腹脹嗇嗇然大便不

利取足太陰 心痛引背不得息刺足少陰不已取手少

陽 心痛引小腹滿上下無定處便溲難刺足厥陰 心

痛但短氣不足以息刺手太陰 心痛當九節次之按已

刺按之立已不已上下求之得之立已

此節當與前厥病論心痛諸證參看

此言心痛者當審其諸證而分經以刺之也有心痛者其痛後則引之于腰脊前則欲嘔當取足少陰腎經以刺之有心痛者其腹中脹滿嗳嗳然大便爲之不利

嗳者嗳便難猶是也

當取足太陰脾經以刺之

有心痛者其痛

後引至背前則不得喘息當取足少陰腎經以刺之如不已又取手少陽三焦經以刺之有心痛者其痛引至小腹而滿或上或下痛無定處大小便皆難當取足厥陰肝經以刺之有心痛者短氣不足以息當取手太陰肺經以刺之有心痛者其痛當背第九節以刺之乃督脉經筋縮穴之處也宜先按之按已而刺刺後

按之其痛當立已如不已則上而入椎無穴下而十椎無穴

又復求之其痛必立已矣

頷痛刺足陽明曲周動脈見血立已不已按人迎于經立

已

此言頷痛者而有刺之之法也頷痛者當取足陽明胃

經頰車穴以刺之此穴在耳下曲頰端動脈環遶一周

故曰曲周也如見血其病立已如不已當按人迎穴于

本經以刺之其病必已也穴在頸脈陷中非左手寸口人迎脈也故曰按人迎于經

氣逆上刺膺中陷者與下胸動脈

此言氣逆者而有刺之之法也凡氣逆者上刺膺中陷

者中即足陽明胃經膺窓穴也及下胸前之動脈當是

任脈經之膻中穴也蓋在中謂之胸胸之旁為膺耳膺窓

在巨骨下五寸八分陷中左右去中行各四寸鍼四分

灸五壯膻中兩乳間陷中氣病治此禁鍼灸七壯又

曰鍼三分

腹痛刺臍左右動脈已刺按之立已不已刺氣街已刺按

之立已

此言腹痛者當刺足陽明胃經之天樞穴如不已又刺

經之氣衝也

天樞臍中兩旁左右各開二寸千金云魂魄之舍不可鍼一云鍼三分留七呼

灸五壯氣街即氣衝夾臍相去四寸鼠鼷上一寸動

脈應手宛宛中衝脈所起灸七壯禁鍼一云鍼三分

留七呼

痿厥爲四末束挽乃疾解之日二不仁者十日而知無休  
病已止歲以草刺鼻嚏嚏而已無息而疾迎引之立已大  
驚之亦可已歲疑作藏

此言痿厥病在四末者當有刺之之法也四末四肢也

凡痿病厥病素問有痿論厥論而手足四肢攣束挽亂當刺四

肢之穴以速解之每日解之者必二次甚有不仁而無

知者切其肉不痛者是也解之至于十日則二十次矣

其肉亦當有知此法行之無休候病既已而止鍼每藏

以草刺鼻必嚏而嚏既已當自屏其氣無得呼吸以

息而急以原草迎其氣以引出之其病可立已設以



驚之事驚之其病亦可已也

○周痺第二十七

痺病之痛隨脉以上下則周身而爲痺故名此篇當與素問痺論參看

黃帝問于岐伯曰周痺之在身也上下移徙隨脉其上下左右相應間不容空願問此痛在血脉之中邪將在分肉之間乎何以致是其痛之移也問不及下鍼其痛之時不及定治而痛已止矣何道使然願聞其故岐伯答曰此衆痺也非周痺也黃帝曰願聞衆痺岐伯對曰此各在其處各發更止更居更起以右應左以左應右非能周也更發更休也黃帝曰善刺之奈何岐伯對曰刺此者痛雖已止必刺其處勿令復起

此因帝問周痺而伯指之爲衆痺也周痺者周身上下  
爲痺也衆痺者痺在各所爲痛也帝問周痺上下移徙  
隨脉其上下左右相應但不知痛在血脉之中抑在分  
肉之間及其痛之移而去也不及下鍼鍼其畜聚痛處  
之時不及定治而痛已止其痛也何由而其去也何路  
伯言此衆痺也非周痺也蓋衆痺者病在一處則痛亦  
在一處隨發隨止隨止隨起特以左右之脉相同故左  
可應右右可應左耳非能周身而痛也刺之者痛雖已  
止亦當刺其原痛之處勿令復起可也

帝曰善願聞周痺何如岐伯曰周痺者在于血脉之中隨

脉以上隨脉以下不能左右各當其所黃帝曰刺之奈何

岐伯對曰痛從上下者先刺其下以過之一作過後刺其

上以脫之痛從下上者先刺其上以過之後刺其下以脫

之

此言刺周痺之有法也周痺者在于血脉之中隨脉以  
上或隨脉以下非比衆痺之在于左右各當一處者之  
有定所也故刺之者其脉從上而下當先刺其下之痛  
處以過絕之後乃刺其上之痛處以脫痛根而不使之  
復下其痛從下而上當先刺其上之痛處以過絕之後  
乃刺其下之痛處以脫病根而不使之復上此則求之

上下而不求之左右乃治周痺之法也

黃帝曰善此痛安生何因而有名岐伯對曰風寒濕氣客于外分肉之間迫切而爲沫沫得寒則聚聚則排分肉而分裂也分裂則痛痛則神歸之神歸之則熱熱則痛解痛解則厥厥則他痺發發則如是

此言邪氣聚于分肉之間故周痺發于血脉之中也帝問周痺之病從何而生又何因而有周痺之名伯言風寒濕三氣雜至合而爲痺者是也蓋以三氣始客于外分肉之間迫于分肉而爲沫沫得寒則聚聚則排分肉而各分裂之惟分裂則痛痛則心專在痛處而神亦歸

之神歸卽氣歸也所以痛處作熱熱則痛散而暫解雖  
時暫解其氣尙逆而爲厥厥則三氣隨血脉以上下者  
或痛從上而下或痛從下而上則彼之爲痺發于血脉  
之中指周痺  
之人言非衆痺之發于一處者可同也故不發則  
已發則大畧如是而已此非痛之所由生而周痺之所  
以有名乎然周痺所以有名之義下文乃詳言之

帝曰善余已得其意矣

缺岐  
伯曰

此內不在臟而外未發于皮

獨居分肉之間眞氣不能周故命曰周痺故刺痺者必先  
切循其下之六經視其虛實及大絡之血結而不通及虛  
而脉陷空者而調之熨而通之其癰堅轉引而行之黃帝

曰善余已得其意矣亦得其事也九者經巽之理十二經  
脉陰陽之病也

此承上文而又詳周痺所以有名之義遂及刺之之法  
也伯言此周痺者內不在于五臟而外不發于皮膚獨  
居于分肉之間所謂迫切爲沫沫聚爲痛神歸爲熱痛  
解爲厥厥逆而痺發也蓋由真氣不能周于身而邪氣  
隨脉以上下故命曰周痺刺此者必先切循其足之三  
陰三陽視其虛實及大絡之血絡而不通及虛而脉陷  
空中者或補或瀉而調之又且熨而通之其有癧且堅  
者乃轉引而行之此乃治周痺之法也帝則通其意而

又通其事知九鍼爲用最大故嘆九者乃至恒至順之  
理凡十二經之病不可不用者也

黃帝內經靈樞註證發微卷三終

其詩十二卷之書之

其詩之書之

